

Ժողովուրդ

3 սեպտեմբերի հինգշաբթի 2026
տպագրության ԺԵ տարի

110
(3319)

Ք. Երևան, Արմյան 22ա/3 (0010) + 374 10 546423 info.armlur@gmail.com, info.zhoghovurd@gmail.com

100 դրամ

ԻՆՉՈՐԻ Է ԿԲ-Ն ԱՉՔ ՓԱԿՈՒՄ



«Ժողովուրդ» օրաթերթը Կենտրոնական բանկին կոնկրետ խնդիր է ներկայացրել՝ քաղաքացիները դժգոհում են, որ բանկերը «0% ապառիկ» կամ «անտոկոս ապառիկ» են խոստանում, բայց վարկը ձեռակերպելուց հետո պարզվում է՝ ամիսներ անց քաղաքացիները անտոկոս վարկի համար վճարում են տոկոս: ԿԲ-ն մատնանշում է օրենքը, իսկ իրականությունը դրանից չի փոխվում:

«Ժողովուրդ» օրաթերթը երկարատև սպասումից հետո ԿԲ-ից ստացավ պատասխան, որը փաստացի շրջանցում է խնդրի ամենակարևոր հատվածը: Կենտրոնական բանկը մանրամասն ներկայացնում է, որ սպառողն իրավունք ունի վարկը վաղաժամկետ մարել, որ ավել վճարումը պետք է ուղղվի մայր գումարի նվազեցմանը, որ պետք է փոխվի մարման ժամանակացույցը, եւ որ բանկը պարտավոր է այդ մասին տեղեկացնել հաճախորդին: Բայց «Ժողովուրդ» օրաթերթը ԿԲ-ին սա չէր հարցրել: Մեր հարցը շատ ավելի պարզ էր. եթե քաղաքացին, օրինակ, «անտոկոս» 6 կամ 12-ամսյա ապառիկի շրջանակում նախատեսվածից ավելի գումար է վճարում, այդ գումարը փաստացի ինչպե՞ս է հաշվանցվում, եւ արդյոք բանկն իրավունք ունի այն տեղափոխել հաջորդ՝ արդեն տոկոսով գործող ժամանակահատված:

ԿԲ-ից այս հարցի հստակ պատասխանը չենք ստացել: Ավելին՝ ԿԲ-ն ինքն է ընդունում, որ ներկայացված դեպքերի ուսումնասիրության արդյունքում հնարավոր է խնդիր լինի վարկավորման ծախսի նվազեցման գործընթացում, եւ նշում է, որ ուսումնասիրության ավարտից հետո, անհրաժեշտության դեպքում, կարող են իրականացվել վերահսկողական միջոցառումներ: Այսինքն՝ քաղաքացիների բարձրաձայնած խնդիրը ԿԲ-ն ամբողջությամբ չի հերքում: Ընդհակառակը՝ ասում է, որ հնարավոր խնդիր կա, բայց դրա վերջնական գնահատականը դեռ չկա:


Մանրամասները՝ ArmLur.am կայքում

«Ժողովուրդ» օրաթերթի տեղեկություններով՝ ՀՀ նախկին վարչապետ Հովիկ Աբրահամյանի որդու՝ Արգամ Աբրահամյանի նկատմամբ հարուցված քրեական գործով նախաքննությունը մոտենում է ավարտին, եւ առաջիկայում վարույթը մեղադրական եզրակացությամբ կուղարկվի դատարան: Նույն աղբյուրների փոխանցմամբ՝ նախաքննական մարմինը գործով, ըստ էության, այլեւս ծավալուն քննչական գործողություններ չունի իրականացնելու: «Ժողովուրդ» օրաթերթը տեղեկացրել էր, որ սպանության գործից անջատված վարույթը շուրջ երկու տարի քննվել է Քննչական կոմիտեում, իսկ վերջին առանցքային գործողություններից մեկը եղել է դատարանից սպանված հոգեւոր հովիվ Սողոմոն Վլասյանի հեռախոսը պահանջելը եւ դրա պարունակությունը հետազոտելը: ArmLur.am-ն ավելի վաղ հայտնել էր, որ հեռախոսում առկա են եղել նամակագրություններ եւ տարբեր խոսակցություններ Վլասյանի ու Նրա կողմից հաղորդություն ստացած անձանց միջեւ: Հիշեցնենք նաեւ, որ այս գործով Քննչական կոմիտե էր հրավիրվել եւ հարցաքննվել Արգամ Աբրահամյանի կինը՝ Գագիկ Ծառուկյանի դուստր Էմմա Ծառուկյանը: Նրա ցուցմունքների բովանդակությունը, նախաքննության շափերից ելնելով, չէր հրապարակվել:



Շարունակությունը՝ ArmLur.am կայքում

2026 թվականի օգոստոսի 25-ից իրավապահ եւ դատական համակարգում գերլարված աշխատանքային իրավիճակ է ստեղծվել: Աղմկահարույց ձերբակալություններն ու դրանց հաջորդած խուզարկությունները, հարցաքննություններն ու կալանքի միջնորդությունների քննությունները համակարգը բառացիորեն արտակարգ ռեժիմի են բերել: Ամեն ինչ սկսվեց օգոստոսի 25-ին, երբ ձերբակալվեցին ՀՀ երկրորդ նախագահ Ռոբերտ Քոչարյանն ու Նրա ավագ որդին՝ Սեդրակ Քոչարյանը: Դրան հաջորդած երկու օրերին իրավապահ եւ դատական համակարգի մի շարք աշխատակիցներ, մեր տեղեկություններով, փաստացի գիշերել են աշխատավայրերում: Օգոստոսի 27-ին հակակոռուպցիոն դատարանը բավարարեց քննիչի միջնորդությունը եւ Ռոբերտ Քոչարյանի նկատմամբ որպես խափանման միջոց ընտրեց երկամսյա կալանքը: Սակայն համակարգը դեռ չէր հասցրել դուրս գալ այս գործով ստեղծված գերլարված ռեժիմից, երբ սկսվեց մեկ այլ աղմկահարույց գործընթաց: Երեկ Քննչական կոմիտեն խուզարկություններ է իրականացրել ՊԵԿ նախկին նախագահ Գագիկ Խաչատրյանին եւ Նրա ընտանիքին պատկանող ընկերություններում: Խաչատրյանը ձերբակալվել է եւ առողջական վիճակի պատճառով դատարան է տեղափոխվել շտապօգնության մեքենայով:



Շարունակությունը՝ ArmLur.am կայքում

«Ժողովուրդ» օրաթերթը շարունակում է ուսումնասիրել Սահմանադրական դատարանի դատավորների հայտարարագրերը եւ դրանք ներկայացնել հանրությանը: Այս անգամ ուսումնասիրել ենք ՍԴ դատավոր Երվանդ Խունդկարյանի ունեցվածքը: Երվանդ Խունդկարյանը Սահմանադրական դատարանի դատավորի պաշտոնը զբաղեցնում է 2020 թվականի սեպտեմբերի 18-ից: Երվանդ Խունդկարյանի՝ 2021-2025 թվականների հայտարարագրերի ուսումնասիրությունը ցույց է տալիս, որ այդ ժամանակահատվածում Նրա դրամական միջոցները եւ ֆինանսական պարտավորությունները զգալի փոփոխություններ են ունեցել: 2021 թվականի տարեվերջին հայտարարագրել էր 33 մլն դրամ կանխիկ եւ ավելի քան 13 մլն դրամ բանկային հաշիվներում, իսկ 2025 թվականին՝ 33 մլն դրամ կանխիկ, շուրջ 38 մլն դրամ բանկային հաշիվներում եւ 43.1 մլն դրամի հիփոթեքային պարտավորություն: 2021 թվականի հայտարարագրի համաձայն՝ տարվա սկզբում եւ վերջում Խունդկարյանի անունով անշարժ գույք չի հայտարարագրվել: Միաժամանակ հայտարարագրում նշված է, որ Նա տարվա ընթացքում 90 եւ ավելի օր փաստացի տիրապետել է Երեւանի Նոր Նորք վարչական շրջանում գտնվող բնակարանի եւ ավտոկայանատեղիի: Դատավորն ունեցել է 2006 թվականի արտադրության Lexus մակնիշի ավտոմեքենա, որը ձեռք է բերել 2014 թվականի մայիսի 5-ին՝ գնման եղանակով:



Մանրամասները՝ ArmLur.am կայքում

ՀԱՐՑԱԶԳՐՈՒՅՑ

«ՄԵՆՔ ՊԵՏՔ Է ԶԳՏԵՆՔ ՎԵՐԱԴԻՄՈՒՄ»

Եռաբլուրում ArmLur.am-ը գրուցել է Փառնիկ Դանիելյանի հետ:

- Պարոն Դանիելյան, այսօր (երեկ) Եռաբլուրում հիշատակվում է Արցախի Հանրապետության անկախության օրը: Ի՞նչ հրամայական ունի այս օրը հիշատակելը:

- Սա առաջին հերթին մեկտեղվելու հրամայական ունի: Պետք է կարողանանք անցյալի սխալներից դասեր քաղել, առաջ շարժվել, ամեն օր աշխատել եւ, ի վերջո, վաստակել Եռաբլուր այցելելու իրավունքը: Ես քիչ առաջ էլ ասացի՝ մենք դեռ այդ իրավունքը, կարելի է ասել, ավանսով ենք ստացել: Մեր տղաներն են մեզ այդ իրավունքը տալիս՝ այնտեղ այցելելու, որովհետեւ մինչ այսօր մենք նրանց ասելու բան չունենք: Հուսով եմ կգա այն օրը, երբ կունենանք նրանց ասելու խոսք: Իսկ եթե ցանկանում ենք այդ օրվա գալուստն արագացնել, պետք է բոլորս աշխատենք օր ու գիշեր՝ առանց տրոսնջալու, առանց մարդկանց աչքերին փոշի փչելու: Պետք է ունենանք ազգային պետություն, ազգային արժեքներ, գաղափարախոսություն, իշխանություններ, որոնք ձգտում են կրել այդ արժեքները եւ փոխանցել դրանք սերունդներին: Պետք է ունենանք համերաշխ, հավատքով եւ արժեհամակարգ ունեցող հասարակություն, որը չի մտածում միայն կենցաղային հարցերի կամ օտար երկրներում ավելի լավ կյանք գտնելու մասին, այլ ցանկանում է ամրանալ հայրենիքում, արմատներ գցել, շենացնել երկիրը եւ առաջ տանել ազգային իդեոն ու նպատակները՝ ոչ թե անընդհատ գիշել ու տալ:

- Ինչպե՞ս եք հնարավոր համարում Ձեր նշած նպատակների իրագործումը:

- Ես կարծում եմ դա շատ հստակ եւ, ըստ էության, միակ ճանապարհն է՝ միավորվել, մեկտեղվել, միմյանց կողքին հավաքվել, ունենալ միասնական ծրագիր եւ ճանապարհային քարտեզ ու օր ու գիշեր աշխատել: Այդ ճանապարհով պետք է փոքր հաղթանակներից հասնենք մեծ հաղթանակների: Այլընտրանքային ճանապարհ, իմ կարծիքով, չկա: Իսկ այն մարդիկ, որոնք այդ ընթացքում կհոգնեն, կտրտնջան, կդադարեն պայքարելուց, նշանակում է՝ այդ ճանապարհը նրանց տեղը չէ: Պետք չէ պարզապես ձեռացնել,



թե ինչ-որ բան ես անում, երբ իրականում ոչինչ չի արվում: Իմ կոչն ու հորդորն է բոլոր մարդկանց, քաղաքական եւ հանրային գործիչներին, երկրի ու պետության ճակատագրով մտահոգ բոլոր անձանց՝ գիտակցել, որ այսօր նույնպես օրհասական պահ է: Հայաստանի Հանրապետությունը լրջագույն մարտահրավերների առաջ է կանգնած: Եթե չենք ցանկանում կրկին կանգնել նոր կորուստների ու գիշումների առաջ, բոլորս պետք է գիտակցենք մեր պատասխանատվությունը:

- Պարոն Դանիելյան, ընդդիմադիր դաշտում եւս կարծես հնչում են տեսակետներ, թե Ղարաբաղյան շարժումը փակված է: Դուք ինչպե՞ս եք վերաբերվում այդ մոտեցմանը:

- Մենք ամեն օր մեռնում ենք՝ կենդանի-կենդանի, որովհետեւ Արցախն այս պահին կորցված է: Ինձ եւ իմ ընկերների կյանքի նպատակներից մեկը Արցախի վերադարձի գաղափարն է: Եթե այդ նպատակը չլինի, ես անձամբ իմ գոյությունն անիմաստ եմ համարում: Գուցե պաթոսային հնչի, բայց մեր գերեզմանները, մեր տները, մեր շենքերը, մեր եկեղեցիները, մեր պատմամշակութային արժեքներն այնտեղ են: Ես այսօր մենք տեսնում ենք, թե ինչ է կատարվում դրանց հետ: Ինչպե՞ս կարող է մարդը հանգիստ նստել եւ ասել, թե դա իր կյանքի փակված փուլն է: Մենք պետք է ձգտենք վերադառնալ: Ոչ

ոք մեզնից չի կարող խլել կամ անջատել Արցախի վերադարձի նպատակը եւ մեր տներ վերադառնալու գաղափարը: Դա մեզնից վերցնել հնարավոր չէ:

- Այս ընթացքում շարունակվել են նաեւ քաղաքական գործիչների եւ հանրային դեմքերի կալանավորումները: Դուք դրանք ինչպե՞ս եք գնահատում:

- Ինձ համար սա հստակ քաղաքական նպատակ ունի: Ես կարծում եմ՝ այստեղ փորձ է արվում մեկուսացնել բոլոր այն մարդկանց, որոնք իշխանություններին համար անցանկալի են եւ կարող են ընդդիմանալ նրանց քաղաքականությանը: Իմ գնահատմամբ՝ այդ ամենը մի ընդհանուր քաղաքականության մաս է: Իշխանությունները փորձում են մեկուսացնել այն մարդկանց, որոնք կարող են խոչընդոտել իրենց հետագա քայլերին: Իսկ առաջիկայում, իմ համոզմամբ, Հայաստանը կանգնած է նոր լուրջ մարտահրավերների առաջ:

- Երկար ձգձգումներից հետո տեղի ունեցավ Նիկոլ Փաշինյանի եւ Վաղոփոր Պուտինի հանդիպումը: Հետեւի՞լ եք հանդիպմանը եւ ի՞նչ տպավորություն ստացաք:

- Շատ մանրամասն չեմ հասցրել հետեւել, բայց այն, ինչին ծանոթացել եմ, ինձ բավականին մտորելու տեղիք է տվել: Ինձ մոտ բազմաթիվ հարցեր են առաջացել:

Զրուցել է ՄԱՆԻԿ ԱՐԼՍՅԱՆԸ

ԻՆՉ ՈՒՆԵՑՎԱԾՔՈՎ Է ՀԵՌԱՆՈՒՄ

ArmLur.am-ը տեղեկացավ, որ ՀՀ վարչապետ Նիկոլ Փաշինյանի որոշմամբ՝ կրթության, գիտության, մշակույթի եւ սպորտի նախարարի տեղակալի ժամանակավոր լուծարման հարցում Արթուր Մարտիրոսյանն ազատվել է զբաղեցրած դրույթից:

Արթուր Մարտիրոսյանը ԿԳՄՍ նախարարի տեղակալի պաշտոնին նշանակվել էր 2020 թվականի փետրվարի 12-ին: Պաշտոնից հեռանալու ֆունկն ArmLur.am-ը ներկայացնում է, թե ինչ ունեցվածք եւ ֆինանսական միջոցներ է հայտարարագրել Արթուր Մարտիրոսյանը 2025 թվականի համար:

Մարտիրոսյանը 2025 թվականին աշխատանքի վարձատրության եւ դրան հավասարեցված վճարումների տեսքով ստացել է 18 մլն 826 հազար 947 դրամ: Բացի այդ, նա ստացել է 1 մլն 895 հազար 217 դրամ եկամտային հարկի վերադարձ, 459 հազար 521 դրամ բանկային ավանդների կամ տրված փոխառությունների դիմաց տոկոսների տեսքով, ինչպես նաեւ 1 մլն 500 հազար դրամ ստացված փոխառություն: Ընդհանուր հայտարար-

րագրված եկամուտը կազմել է 22 մլն 681 հազար 685 դրամ:

2025 թվականին Արթուր Մարտիրոսյանը նաեւ 34 մլն 247 հազար դրամով բնակարան է ձեռք բերել Երեւանում: Գույքը գնվել է ապրիլի 2-ին՝ «Արկադա Քոնսերթը» ՍՊԸ-ից, եւ տարեվերջին գտնվել է նրա միանձնյա սեփականության ներքո:

Բացի նոր ձեռք բերած բնակարանից, նրա անունով տարեվերջին առկա է եղել 2010 թվականին գնված եւս մեկ բնակարան՝ համատեղ սեփականության իրավունքով: Մարտիրոսյանը նաեւ ունի Տավուշի մարզի Նոյեմբերյան համայնքի Լճկաձոր գյուղում գտնվող անհատական բնակելի տուն, որը 2023 թվականին ստացել է նվիրատվության եղանակով:

Նրա հայտարարագրում առկա է նաեւ 2010 թվականի արտադրության Toyota մակնիշի ավտոմեքենա, որը ձեռք է բերվել 2018 թվականին:

Ֆինանսական միջոցների մասով տարվա ընթացքում փոփոխություններ են եղել: Մասնավորապես, բանկային ավանդներից մեկում տարեվերջին առկա է եղել 2 մլն 500 հազար դրամ, իսկ դոլարային ա-

վանդը 9 հազար 700 դոլարից հասել է 12 հազար 800 դոլարի:

Բանկային հաշիվների երկու մնացորդները տարվա սկզբի համեմատ եւս ավելացել են: Տարեվերջին դրանցում առկա է եղել համապատասխանաբար 7 մլն 553 հազար 849 դրամ եւ 1 մլն 626 հազար 589 դրամ: Մարտիրոսյանը հայտարարագրել է նաեւ 8 մլն դրամ կանխիկ գումար, որը տարվա ընթացքում չի փոխվել: Միեւնույն ժամանակ, պաշտոնյան 3 մլն 543 հազար 710 դրամ ծախսել է վարկի մարման, իսկ 5 մլն դրամ անշարժ գույքի վերանորոգման համար: Տարեվերջի դրությամբ նրա վարկի մայր գումարի մնացորդը կազմել է 16 մլն 957 հազար 85 դրամ:

Այսպիսով, Արթուր Մարտիրոսյանը պաշտոնից հեռանում է 2025 թվականի հայտարարագրում ներկայացված տվյալներով՝ 22.7 մլն դրամ տարեկան եկամուտով, 34.2 մլն դրամով ձեռք բերված նոր բնակարանով, եւս երկու անշարժ գույքով, Toyota ավտոմեքենայով, 8 մլն դրամ կանխիկ գումարով, բանկային հաշիվներում ավելի քան 9 մլն դրամով եւ 12.8 հազար դոլարի ավանդով:

ՄՆԻ ՎԱՐՈՒՆՅԱՆ



ՈՎԹԵՐ ԿԼԹԵՆ ՊԱՇՏՈՆՆԵՐԸ

ArmLur.am-ի տեղեկություններով՝ Ազգային ժողովում կադրային փոփոխություններն ու աշխատանքից ազատումները շարունակվում են:

ArmLur.am-ի աղբյուրների փոխանցմամբ՝ ԱԺ նախագահի Ռուբեն Ռուբինյանի որոշմամբ առաջիկայում աշխատանքից կարող են ազատվել նաեւ այն աշխատակիցները, որոնք նախկինում աշխատել են ԱԺ նախագահ Ալեն Սիմոնյանի հետ:

Մասնավորապես, մեր տեղեկություններով՝ Ռուբինյանի որոշման աշխատանքից ազատվել է Լուսինե Բաբաջանյանն ու Տիգրան Հակոբյանը, որոնք խորհրդարանում զբաղեցրել են օգնականի պաշտոններ:

Այսպիսով, խորհրդարանում Ռուբինյանի ղեկավարության օրոք շարունակվում է այն գործընթացը, որը մեկնարկել էր նրա՝ ԱԺ նախագահի պաշտոնը ստանձնելուց հետո: Ըստ մեր աղբյուրների՝ Ռուբինյանը խորհրդարանի ղեկավարությունը ստանձնելուց հետո աստիճանաբար հեռացրել է Ալեն Սիմոնյանի թիմի հետ կապ ունեցող մի շարք աշխատակիցների՝ նրանց փոխարեն նշանակելով իր վստահությունը վայելող անձանց:

Ս. Գ.

ԱԶԱՏՎԵԼ Է ԱՇԽԱՏԱՆՔԻՑ

ԿԳՄՍ նախարարի մամուլի խոսնակ Նելլի Վահանյանը ազատվել է աշխատանքից, այս մասին Վահանյանը հայտնել է իր ֆեյսբուքյան էջում:

«Տեղեկացնում եմ, որ այսօրվանից դադարեցնում եմ ՀՀ ԿԳՄՍ նախարարի մամուլի քարտուղարի պարտականություններս:

Այս երկու տարին ինձ համար իսկապես մեծ ու արժեքավոր դպրոց էր:

Այս ընթացքում հասցրինք մի շարք բաներ փոխել ու փորձել. իրագործեցինք նախարարության ռեբրենդինգը, ստեղծեցինք նոր վիզուալայդներ ու ձեռագրեր, վերանայեցինք հաղորդակցության որոշ մոտեցումներ եւ ավելի շատ փորձեցինք պատմել ոչ միայն այն մասին, թե ինչ է արվում, այլ նաեւ՝ ինչու է արվում:

Շատ գործեր, հանդիպումներ, ասուլիսներ, նկարահանումներ, երբեմն՝ շատ երկար օրեր: Մի խոսքով՝ երկու տարի, որի ընթացքում հաստատ ծանօրանալու ժամանակ չկար:

Տիկին Zhanna Andreasyan ջան, շնորհակալ եմ Ձեզ վստահության, ազատ աշխատելու հնարավորության, միշտ ուղիղ ու արդար լինելու եւ մարդկային ջերմ վերաբերմունքի համար: Ձեր կողքին աշխատելն ինձ համար իսկապես անսահման կարեւոր փորձ էր ու մեծագույն պատիվ:

Շնորհակալ եմ իմ սիրելի վարչությանը: Մենք միասին շատ բան ենք անցել. լավ օրեր, լարված օրեր, հաջողված ու ոչ այնքան հաջողված փորձեր: Բայց շատ կարեւոր է, որ այդ ընթացքում դարձել էինք մի հրաշալի թիմ:

Հատկապես ուրախ եմ, որ փուլի ավարտին կարող եմ ասել՝ աշխատանքից բացի այստեղ գտել եմ նաեւ մարդկանց, որոնց հետ կապը, վստահ եմ, աշխատանքային հարաբերություններով չի ավարտվելու:

Արտումս մի մեծ շնորհակալություն կա բոլորին»:

ԻՐԱՎԻՃԱԿ

ԻՆՉ ՈՐՈՇԵՑԻՆ

ԻՆՉ ԵՆ ՔՆՆԱՐԿԵԼ ՊՈՒՏԻՆՆ ՈՒ ՓԱՇԻՆՅԱՆԸ

ՄՊԱՍՈՒՄ ԵՆ

ArmLur.am-ի բացառիկ տեղեկություններով՝ Նիկոլ Փաշինյանն ու վարչապետի աշխատակազմի ղեկավար Լիլիթ Մակունցը այս օրերին ակտիվորեն զբաղված են կառավարության վերջնական կազմավորման աշխատանքներով, մասնավորապես՝ փոխնախարարների թեկնածուների ընտրությամբ: Հիշեցնենք, որ Նոր կառավարության ձեւավորման գործընթացը դեռ ամբողջությամբ ավարտված չէ, իսկ սեպտեմբերի 3-ը սահմանված ժամկետի վերջին օրն է: Այս ֆոնին իշխանական կուլիսներում ակտիվ քննարկվում է, թե ովքեր են զբաղեցնելու նախարարների տեղակալների պաշտոնները: Մեր տեղեկություններով՝ Փաշինյանն ու Մակունցը որոշել են կառավարության համակարգում բավական լայնածավալ կադրային փոփոխություններ իրականացնել: Մասնավորապես, նախատեսվում է, որ փոխնախարարների զգալի մասը լինելու է Նոր եւ երիտասարդ կադրերից, որոնք մինչ այս կառավարության կազմում պաշտոններ չեն զբաղեցրել: Իշխանական մեր աղբյուրների փոխանցմամբ՝ խոսքը հիմնականում Նոր թիմի ներկայացուցիչների մասին է, որոնք տարբեր միջազգային ծրագրերի շրջանակներում կրթություն են ստացել: Ըստ մեր աղբյուրների՝ Նոր փոխնախարարների շարքում զգալի տեղ կարող են զբաղեցնել «Ի գործ» ծրագրի ներկայացուցիչները: Իշխանության ներսում Նրանց դիտարկում են որպես երիտասարդ, Նոր կադրերի, որոնք պետք է համալրեն պետական կառավարման համակարգը: Այս գործընթացի առաջին օրինակներից մեկը, ըստ մեր տեղեկությունների, տարածքային կառավարման եւ ենթակառուցվածքների նախարարության Նոր փոխնախարարի թեկնածությունն է: Ինչպես ավելի վաղ գրել էր «ԱրմԼուր»-ը, Արմեն Սիմոնյանի պաշտոնից ազատումից հետո քննարկվում էր Դավիթ Իվանյանի թեկնածությունը: Այսպիսով, այս պահին գրեթե բոլոր նախարարություններում սրտատրոփ սպասում են Նոր երիտասարդներին, ովքեր պետք է զբաղեցնեն փոխնախարարների եւ թափուր պաշտոններում առկա տեղերը:

Ս. Գ.

ԱՐՏԱՐԱՆՎԵԼ Է

ԱՄԷ արտահանվել է 60 տոննա հայկական ձուկ եւ ձկնամթերք: Այս մասին հայտնում են ՀՀ սննդամթերքի անվտանգության տեսչական մարմնից: «Հարգելի՛ տնտեսավարողներ, Տեղեկացնում ենք, որ Արաբական Միացյալ Էմիրություններ (ԱՄԷ) է արտահանվել 60 տոննա ձուկ եւ ձկնամթերք: Հաշվի առնելով այդ երկրի շուկայում առկա մեծ պահանջարկը՝ Սննդամթերքի անվտանգության տեսչական մարմինը կապահովի ձկնաբուծությամբ եւ արտահանմամբ զբաղվող բոլոր շահագրգիռ ընկերությունների կապը ԱՄԷ արտահանող կազմակերպության հետ՝ հետագա համագործակցության համար: Պահանջվող խմբաքանակներն են՝ իշխանական ձուկ, քաշը 4 կգ եւ ավելի, որը կհամապատասխանի անվտանգության սահմանված պահանջներին: Եթե ձեր ընկերությունն ունի նշված քաշի խմբաքանակները եւ պատրաստ է համագործակցել արտահանող կազմակերպության հետ, առաջարկում ենք կապ հաստատել Սննդամթերքի անվտանգության տեսչական մարմնի հետ (Կոնտակտային անձ՝ Արթուր Մամիկոնյան, էլ. հասցե՝ artur.mamikonyan@ssfs.am, հեռ. 015404040-220)»:

Փաշինյանն ու Պուտինը Բիսկեյում քննարկել են հայ-ռուսական հարաբերությունները, ԵՄ-ի ու ԵԱՏՄ-ի հարցը:

Բիշքեյում սեպտեմբերի 1-ին տեղի ունեցած հանդիպման ընթացքում ՀՀ վարչապետ Նիկոլ Փաշինյանն ու ՌԴ նախագահ Վլադիմիր Պուտինը քննարկել են հայ-ռուսական հարաբերությունների հետագա զարգացումը, տնտեսական համագործակցությունը, Հայաստանի՝ Եվրամիությանն անդամակցության գործընթացը եւ ԵԱՏՄ-ում Հայաստանի հետագա մասնակցության հարցը:

Հանդիպման սկզբում Վլադիմիր Պուտինը նշել է, որ Ռուսաստանը հանդես է գալիս Հայաստանի հետ բարեկամական, փոխշահավետ հարաբերությունների զարգացման օգտին՝ ռազմավարական գործընկերության եւ դաշնակցային հարաբերությունների սկզբունքների հիման վրա:

Նրա խոսքով՝ Ռուսաստանը Հայաստանի հիմնական առեւտրատնտեսական գործընկերն է՝ շուրջ 30 տոկոս մասնաբաժնով, իսկ այս տարվա առաջին կիսամյակում երկու երկրների ապրանքաշրջանառությունը կազմել է 2,5 մլրդ դոլար:

Պուտինը հատուկ անդրադարձել է Հայաստանի՝ Եվրամիությանն անդամակցության հայտարարված մտադրությանը: Նա ընդգծել է, որ Հայաստանը ինքնիշխան պետություն է, եւ հայ ժողովուրդն իրավունք ունի որոշելու երկրի զարգացման ուղիղությունը:


Սակայն, ըստ Նրա, ԵՄ-ին Հայաստանի ձգտումը կարող է խնդիրներ առաջացնել ԵԱՏՄ-ում Հայաստանի մասնակցության եւ գործող առեւտրատնտեսական կապերի համար:

Պուտինը նաեւ նշել է, որ անհրաժեշտ է հնարավորինս արագ հստակություն մտցնել Հայաստանի հետագա քաղաքական-տնտեսական ուղղության վերաբերյալ:

ՌԴ նախագահը նաեւ ներկայացրել է ԵԱՏՄ-ի հետ Հայաստանի տնտեսական կապերի վերաբերյալ իր գնահատականը: Նրա խոսքով՝ ԵԱՏՄ-ին ավելի քան տասը տարի մասնակցելու ընթացքում Հայաստանի ՀՆԱ-ն աճել է 10,6 մլրդ դոլարից մինչեւ 29,2 մլրդ դոլար, իսկ ԵԱՏՄ երկրներ արտահանումը աճել է տասն անգամ:

Նիկոլ Փաշինյանն իր հերթին ընդգծել է, որ Հայաստանը շահագրգռված է Ռուսաստանի հետ հարաբերությունների հետագա զարգացման եւ խորացման մեջ:

Միաժամանակ վարչապետը նշել է, որ վերջին տարիներին տարածաշրջանում իրավիճակը փոխվել է, եւ Հայաստանի ու Ռուսաստանի հարաբերություններին անհ-



րաժեշտ է նայել «թարմ հայացքով»՝ հաշվի առնելով, որ տարածաշրջանում այժմ խաղաղություն է հաստատվել:

ԵՄ-ին անդամակցության գործընթացի վերաբերյալ Փաշինյանը նշել է, որ Հայաստանը նախորդ տարի ընդունել է ԵՄ-ին անդամակցության գործընթացի մեկնարկի մասին օրենքը, սակայն Հայաստանի եւ Ռուսաստանի, ինչպես նաեւ ԵԱՏՄ շրջանակներում գործող պայմանագրերի ուսումնասիրության արդյունքում որեւէ խախտում չի արձանագրվել:

Վարչապետի խոսքով՝ այս պահին Հայաստանը Ռուսաստանին եւ ԵԱՏՄ գործընկերներին չի տեղեկացրել միությանից դուրս գալու մտադրության մասին: Փաշինյանը նաեւ ընդգծել է, որ ԵՄ-ի ուղղությամբ գործընթացը չի նշանակում Ռուսաստանի կամ ԵԱՏՄ-ի դեմ ուղղված քայլ:

Նրա խոսքով՝ Հայաստանի համար կարեւոր է ունենալ այլընտրանքներ, հատկապես բազմաբեւեռ աշխարհակարգի ձեւավորման պայմաններում, եւ միաժամանակ պահպանել Ռուսաստանի հետ հարաբերությունների բարձր մակարդակը: Այս հարցում, սակայն, Փաշինյանի եւ Պուտինի դիրքորոշումները ամբողջությամբ չեն համընկել:

Պուտինը նշել է, որ ԵՄ-ին անդամակցության գործընթացի մեկնարկի մասին օրենքի ընդունումն, իր գնահատմամբ, ըստ էության, նշանակում է ԵԱՏՄ-ից դուրս

գալու մասին հայտարարություն, քանի որ երկու տնտեսական կազմակերպություններին միաժամանակ անդամակցելը անհամատեղելի է: Փաշինյանն էլ հակադարձել է, որ Հայաստանը հասկանում է՝ ժամանակի ընթացքում կարող է անհրաժեշտ լինել հստակ ընտրություն կատարել, սակայն այդ պահը, իր գնահատմամբ, դեռ չի հասնում: Վարչապետը նշել է, որ այս պահին իրական այլընտրանքը դեռ ձեւավորված չէ, իսկ դրա ստեղծման դեպքում Հայաստանը ընտրություն կկատարի՝ հանրաքվեի միջոցով կամ առանց հանրաքվեի:

Պուտինը, իր հերթին, նշել է, որ եթե խոսքը ժողովրդի ընտրության հնարավորության մասին է, ապա այդ հնարավորությունը պետք է ստեղծել եւ հարցը լուծել՝ քաղաքացիներին ուղղակիորեն դիմելով:

Այսպիսով, Փաշինյան-Պուտին հանդիպման առանցքային թեմաներից մեկը դարձավ Հայաստանի արտաքին քաղական կողմնորոշման հարցը:

Կողմերը միաժամանակ վերահաստատեցին հայ-ռուսական հարաբերությունները զարգացնելու շահագրգռվածությունը, սակայն ԵՄ-ի հետ Հայաստանի հարաբերությունների խորացման եւ ԵԱՏՄ-ում հետագա մասնակցության հարցում Նրանց մոտեցումների միջեւ պահպանվեց էական տարբերություն:

ԱՆՆ ԿԱՐԴԱՆՅԱՆ

ՕՐՎԱ ԽՃԱՆԿԱՐ

ՊԱՐԵՏԱՏ Է ՊԱՅԹԵԼ

Ադրբեջանի Գերանբոյի շրջանում սեպտեմբերի 2-ի գիշերը զինամթերքի պահեստում պայթյուն է տեղի ունեցել, որին հաջորդել է հրդեհը:

Ադրբեջանական APA գործակալության փոխանցմամբ՝ Գերանբոյի շրջանի Նիզամի գյուղի մերձակայքում գտնվող պահեստում տեղի ունեցած պայթյունի մասին համատեղ հայտարարություն են տարածել Ադրբեջանի արտակարգ իրավիճակների, պաշտպանության եւ ներքին գործերի նախարարությունները:

Հաղորդագրության համաձայն՝ դեպքից անմիջապես հետո համապատասխան ուժերը ձեռնարկել են անհրաժեշտ միջոցառումներ, իսկ իրավիճակը վերցվել է վերահսկողության տակ: Անվտանգության նկատառումներով դեպքի վայրի հարա-

կից տարածքից քաղաքացիները տարհանվել են:

Ադրբեջանի իշխանությունների փոխանցմամբ՝ պայթյունի եւ դրան հաջորդած հրդեհի հետեւանքով տուժածներ չկան:

Ա. Կ.

ԱԶԱՏԱԿԱՆԱՑՆՈՒՄ Է ԱՐՏԱՐԱՆՄԱՆ ՀՈՒՐՋ 80%-Ը

ԵՄ հորիզոնող քիչ առաջ հավանություն տվեց օրենսդրական նախաձեռնությանը, որով նախատեսվում է երկու տարվա ժամանակավորապես կասեցնել մաքսատուրքերը հայկական ապրանքների լայն շրջանակի համար եւ ազատականացնել

Հայաստանից ԵՄ արտահանման շուրջ 80%-ը:

Այս մասին հայտնում է Faðtor TV-ի թղթակիցը Բրյուսելից:

Արտոնյալ ռեժիմը կգործի մի շարք պայմաններով. Հայաստանը պետք է պահպանի ապրանքների ծագման կանոնները, ԵՄ ներմուծման նկատմամբ Նոր սահմանափակումներ չկիրառի եւ հարգի ԵՄ-Հայաստան համապարփակ եւ ընդլայնված գործընկերության համաձայնագրի հիմնարար սկզբունքները՝ ժողովրդավարությունը, օրենքի գերակայությունն ու մարդու իրավունքները: Առաջարկը դեռ պետք է պաշտոնապես հաստատի Եվրոպական խորհրդարանն առաջիկա իր նիստում, որից հետո կանոնակարգը կընդունվի եւ ուժի մեջ կմտնի ԵՄ Պաշտոնական տեղեկագրում հրապարակվելու հաջորդ օրը:

ՀԱՆՐԱՅԻՆ ԲՐԵԱԿԱՆ ՀԵՏԱՊՆԴՈՒՄ Է ՀԱՐՈՒՑՎԵԼ

ՀՀ ԲՆՆՆԱԿԱՆ ԿՈՄԻՏԵԻ ՂԻՄՈՒՐԱԿԱՆ ԲՆՆՆԱԿԱՆ ՂԵՐԱՊԵՏՈՒԹՅԱՆ ՎԱՐՏՎԵԼ Է ՀՀ ՊՆ ՆԱԽՍԻՆ ՆԱԽԱՐԱՐԻ ԿՈՂՄԻՅ ԲՆԱԿԱՐԱՆՆԵՐԻ ԽԱՏԿԱԳՄԱՆ ԳՈՐԾՆԵՐԱԳՈՒՄ ՊԼԱՆՈՒՆԵԱԿԱՆ ԼԻԱԳՈՐՈՒԹՅՈՒՆՆԵՐԸ ՀԱՐԱՇԱԽԵԼՈՒ ՎԵՐԱԲԵՐՋԱԼ ԲՐԵԱԿԱՆ ՎԱՐՈՒՅՔԻ ՆԱԽԱԲՆՈՒՅՔՈՒՆԸ:

Քրեական վարույթի նախաքննության ընթացքում առերեսույթ փաստական տվյալներ են ձեռք բերվել այն մասին, որ Ս.Օ.-ն զբաղեցնելով ՀՀ պաշտպանության նախարարի պաշտոնը, ՀՀ պաշտպանության նախարարության կենտրոնական բնակարանային հանձնաժողովի անդամների օժանդակությամբ, անցել է իր պաշտոնական լիազորությունները՝ էական վնաս պատճառելով մի շարք անձանց իրավունքներին եւ օրինական շահերին:

Մասնավորապես՝ 2008 թվականի հուլիսի 12-ին ՀՀ պաշտպանության նախարարության վարչական ապարատի ներքին անվտանգության բաժնի պետ Ս.Ի.-ն իր ընտանիքին բնակարան տրամադրելու խնդրանքով զեկուցագիր է ներկայացրել ՀՀ ՊՆ վարչական ապարատի ղեկավարին, ինչի արդյունքում ընդգրկվել է բնակարանային պայմանների բարելավման կարիք ունեցող զինծառայողների բնակարանային հաշվառման գործընթացում:

Բացի այդ, Ս.Ի.-ն հուլիսի 17-ին Նույն նախաձեռնող զեկուցագիր է ներկայացրել Նաեւ ՀՀ պաշտպանության նախարար Ս.Օ.-ին, որում, բացի բնակարան տրամադրելու խնդրանքից, նշել է՝ իրեն արտահերթ կերպով Երեւան քաղաքում բնակարանով ապահովելու ցանկության մասին:

Նույն օրը, ՀՀ պաշտպանության նախարար Ս.Օ.-ն, «Հայաստանի Հանրապետության պաշտպանության նախարարության համակարգի զինծառայողների բնակարանային ապահովության մասին» ՀՀ կառավարության 2007 թվականի մարտի 07-ի թիվ 384-Ն որոշմամբ հաստատված կարգի համաձայն՝ բնակարանային պայմանների բարելավման կարիք ունեցող զինծառայողների բնակարանային հաշվառման եւ բնակարանները զինծառայողներին տրամադրելու



գործընթացների իրականացումը բացառապես հանձնաժողովին վերապահված լինելու պայմաններում, ինչպես նաեւ Նույն կարգի համաձայն չունենալով տվյալ գործընթացներին միջամտելու որեւէ լիազորություն, իր հետ բարեկամական կապերի մեջ գտնվող Ս.Ի.-ի խնդրանքին ընդառաջելու շարժառիթով, հանձնաժողովին հանձնարարել է վերջինիս արտահերթ տրամադրել բնակարան:

2008 թվականի օգոստոսի 11-ին կայացած հանձնաժողովի նիստի ընթացքում, հանձնաժողովի նախագահը եւ հանձնաժողովի անդամները Ս.Ի.-ին ներառել են բնակարանային պայմանների բարելավման կարիք ունեցող զինծառայողների բնակարանային հաշվառման ցանկում, ապա անմիջապես՝ Նույն նիստի ընթացքում, քվեարկությամբ որոշել են վերջինիս արտահերթ կերպով հատկացնել Երեւան քաղաքում գտնվող Երեք սենյակից բաղկացած բնակարան:

Այսպիսով, ՀՀ պաշտպանության նախարարության համակարգի բնակարանային պայմանների բարելավման իրական կարիք ունեցող շահառուները տա-

րիներ շարունակ ընդգրկված եւ հերթագրված լինելով բնակարանային հաշվառման ցուցակներում՝ զրկվել են ՀՀ օրենսդրությամբ սահմանված կարգով իրենց սոցիալական պաշտպանության ապահովման՝ անհատույց օգտագործման իրավունքով բնակարաններ ձեռք բերելու օրինական եւ օրենքով երաշխավորված իրավունքից, ինչի հետեւանքով էական վնաս է պատճառվել հիշյալ անձանց իրավունքներին եւ օրինական շահերին:

Ս.Օ.-ի նկատմամբ հսկող դատախազի որոշմամբ հարուցվել է հանրային Քրեական հետապնդում՝ Քրեական օրենսգրքի 441-րդ հոդվածի 1-ին մասով (պաշտոնատար անձի կողմից իշխանական կամ ծառայողական լիազորությունները կամ դրանցով պայմանավորված ազդեցությունը չարաշահելը կամ լիազորություններն անցնելը):

Քրեական վարույթը մեղադրական եզրակացությամբ ուղարկվել է հսկող դատախազին՝ այն հաստատելու եւ քննության առնելու համար դատարան ուղարկելու միջնորդությամբ:

ԼՈՒՐԵՐ

ԳՈՐԾԸ ՄԱԿԱԳՐՎԵՑ Վ. ՄԵԼԻՔՅԱՆԻՆ

Կաթողիկոսը մեղադրվում է դատական ակտի կատարմանը խոչընդոտելու համար մի գործով, որով մեղադրվել են նաեւ եկեղեցու վեց բարձրաստիճան հոգեւորականներ:

Այս գործը վերաբերում է վարչապետի հակակաթողիկոսական արշավին միացած 10 եպիսկոպոսներից Գեորգ Բրեւեգանին: Կաթողիկոսը պաշտոնական էր արել Նրան, իսկ դատարանը պարտավորեցրել էր վերականգնել հոգեւորականին իր պաշտոնում:

Մայր Աթոռը, սակայն, չվերականգնեց Նրան ու կարգալույծ արեց՝ հայտարարելով, որ այս հարցերը դատարանի տիրույթում չեն, եւ սա միջամտություն է եկեղեցու ինքնավարությանը:

Քննչականը սա համարեց դատական ակտի կատարմանը խոչընդոտում:

Փաստացի, դատավոր Վահագն Մելիքյանը երրորդ դատավորն է, որին մակագրվել է քրեական գործը:

Ք. Ս.

ՉՄԱՀՄԱՆԱՓԱԿՎԵՆ ԵՎ ԱԶԱԿՑԵՆ

Գագիկ Ծառուկյանը Կենտրոն ՔԿԻ-ից գրում է. «Տեղեկացա, որ Հայաստանի եւ սփյուռքի տարբեր ոլորտների մոտ վեց տասնյակ հեղինակավոր գործիչներ հանդես են եկել «Գագիկ Ծառուկյանի պաշտպանության հանրային կոմիտե» ստեղծելու նախաձեռնությամբ: Շնորհակալ եմ բոլորին: Դժվար է մի քանի բառով նկարագրել անկեղծ մարդկային զգացմունքներս եւ երախտագիտությունս Ձեր հանդեպ: Ուղղակի կարող եմ ասել՝ երբեք սա չեմ մոռանա: Միաժամանակ ուզում եմ դիմել Ձեզ մի խնդրանքով, առաջարկով, հորդորով՝ այս կոմիտեի աշխատանքները չսահմանափակել միայն իմ իրավունքներ

րի պաշտպանությամբ: Իմ խնդրանքն է, որ աջակից եւ պաշտպան լինեք այսօր Հայաստանում քաղաքական հետապնդումների ենթարկվող բոլոր մեր քաղաքացիներին: Մեկտեղեք Ձեր ջանքերը՝ պայքարելու Բաքվում պահվող հայորդիների ազատ արձակման համար:

Ձեր գործունեությամբ նպաստեք երկրում արդարության եւ ներքին համերաշխության հաստատմանը: Մարդու իրավունքների եւ արդարության համար պայքարը պահանջում է լուրջ ջանքեր եւ համատեղ աշխատանք: Սա մեկ կամ մի քանի մարդու ազատության խնդիր չէ:

Մեր երկիրը իր քաղաքացիների համար պետք է արդարություն, անվտանգություն եւ պաշտպանություն ապահովի նախ երկրի ներսում, որպեսզի կարողանա պաշտպանել Նրանց արտաքին վտանգներից:

Ձեր հեղինակությունը, մարդկային ուրակները, սկզբունքայնությունը եւ համատեղ ջանքը շատ բան կարող են փոխել դեպի դրականը:

Եւս մեկ անգամ շնորհակալություն»:

ԼՈՒՐԵՐ

ԱՆԿՈՂՆՈՒՑ՝ ԲԱՆՏ

ArmLur.am-ը տեղեկացավ, որ ՊԵԿ Նախկին Նախագահ Գագիկ Խաչատրյանը 2 ամսով կալանավորվել է: Ավելի վաղ հայտնել էինք, որ առանձնապես խոշոր չափերով կաշառք ստանալու եւ առանձնապես խոշոր չափերով փողերի լվացման դեպքերի առթիվ Նախաձեռնված քրեական վարույթի շրջանակում անհետաձգելի քննչական եւ վարության գործողություններ են իրականացվել ՀՀ ՊԵԿ Նախկին Նախագահ Գ. Խ.-ի, վերջինիս որդու բնակարաններում, ինչպես նաեւ Նրանց հետ փոխկապակցված շուրջ 21 ընկերությունների գրասենյակներում եւ մասնաճյուղերում:

Գագիկ Խաչատրյանը ձերբակալվել էր եւ կալանքի միջնորդություն էր ներկայացվել: Քրեական վարույթներից բացի՝ Հակակոռուպցիոն դատարանում քննվող, ապօրինի ծագում ունեցող գույքի բռնագանձման հայցերի շրջանակում ՀՀ ֆինանսների նախկին նախարար Գ. Խ.-ից եւ Նրան փոխկապակցված անձանցից, այդ թվում՝ որդիներից, պահանջվում է բռնագանձել 193 անշարժ գույք, որը, ի թիվս այլնի, ներառում է 46 բնակարան Կենտրոն վարչական շրջանում, 89 անշարժ գույք Կոտայքի մարզում, 29 իրավաբանական անձում մասնակցություն, որոնց թվում են «ՄԵԳԱՍՊՈՐՏ» ՍՊԸ-ն, «ՄԵԳԱ ՖՈՒԴ» ՍՊԸ-ն, 14 շարժական գույք, շուրջ 1 միլիարդ 451 միլիոն ԱՄՆ դոլարի չափով ձեռք բերված պարտատուներ, շուրջ 147 հազար ԱՄՆ դոլար ավանդ, շուրջ 23 միլիոն 81 հազար ԱՄՆ դոլարի, 409 միլիոն 806 հազար ՀՀ դրամի եւ 9750 եվրոյի չափով փոխառության պահանջի իրավունք, շուրջ 17 միլիարդ 761,5 միլիոն դրամ:

Ս. Գ.

ՄԵԹԱՄՖԵՏԱՄԻՆ ՈՒ ՄԱՐԻԽՈՒԱՆԱ

Քրեական ոստիկանության թմրամիջոցների ապօրինի շրջանառության դեմ պայքարի վարչության ծառայողները հերթական օպերատիվ տեղեկությունն իրացնելիս համագործակցեցին Կոտայքի մարզի քրեական ոստիկանների հետ:

Օգոստոսի 27-ին՝ ժամը 13-ին, թմրամիջոց ձեռք բերելու եւ իրացնելու կասկածանքով Բյուրեղավանում ձերբակալվեց Նույն քաղաքի բնակիչ 29-ամյա մի կին:

Արվանի քննչական բաժնում նախաձեռնվեց քրեական վարույթ, որի շրջանակում դատարանի որոշմամբ օգոստոսի 29-ին խուզարկություն կատարվեց 29-ամյա կնոջ բնակարանում:

Հայտնաբերվեց կաշուն ժապավենով փաթեթավորված 38 փաթեթ՝ ընդհանուր 38 գրամ մեթամֆետամինի նմանվող բյուրեղանման զանգվածով, 52 գրամ Նույն զանգվածով լցված տոպրակ եւ ընդհանուր 118 գրամ քաշով մարիխուանայի 57 փաթեթ:

29-ամյա կինը ձերբակալվել է:

Նախաքննությունը շարունակվում է:

● Օգոստոսի 24-ից 31-ը մայրաքաղաքում տարբեր կասկածանքներով ձերբակալվել ու համայնքային ոստիկանության բաժիններ է տարվել 115 անձ:

ՍՈՑԻԱԼԱԿԱՆ

ՖԱՍԹ ԲԱՆԿ

ԽԱՂԱՐԿՈՒՄ ԵՆ 5-ՕՐՅԱ
ՃԱՄՓՈՐԴՈՒԹՅՈՒՆ
ԴԵՊԻ ՓԱՐԻԶ



Ֆասթ Բանկն ու Mastercard միջազգային վճարային համակարգը համատեղ մեկնարկել են խաղարկություն, որի շրջանակում ֆիզիկական անձ հաճախորդները հնարավորություն ունեն շահել «5-օրյա ուղեւորություն դեպի Փարիզ երկուսի համար» մրցանակը:

Խաղարկությանը մասնակցելու համար Ֆասթ Բանկի հաճախորդներին անհրաժեշտ է ս.թ. օգոստոսի 15-ից մինչև նոյեմբերի 15-ը կատարել առցանց կամ ֆիզիկական առետուր արտերկրում՝ վճարելով Ֆասթ Բանկի Mastercard վճարահաշվարկային համակարգի Mastercard World կամ Mastercard World Elite քարտերով:

Յուրաքանչյուր հանրագումարային 50,000 ՀՀ դրամի կամ համարժեք արտարժույթի ծախսի դիմաց մասնակիցները կստանան 1 պրոմոկոդ: Յուրաքանչյուր քարտապան կարող է հավաքել առավելագույնը 10 պրոմոկոդ: Իսկ հավելյալ՝ 11-րդ պրոմոկոդը կստանան, եթե խաղարկության ընթացքում Ֆասթ Բանկից պատվիրեն եւս մեկ Mastercard World կամ Mastercard World Elite Ակնձարտ:

ՀՀ դրամով Ակնձարտերի դեպքում հաշվի կառնվի գործարքների ընդհանուր գումարը: Արտարժույթով քարտերի դեպքում գործարքների գումարը կհաշվարկվի ՀՀ դրամով՝ գործարքի հաշվեգրման օրվա ԿԲ փոխարժեքով:

Խաղարկության մասնակիցները պրոմոկոդները կստանան իրենց էլեկտրոնային հասցեներին արշավի ավարտից հետո: Խաղարկությունն ամփոփվելու է Ֆասթ Բանկի YouTube-յան ալիքում 2026 թվականի դեկտեմբերի 25-ին ժամը 15:00-ին: Հաղթողը կորոշվի պատահականության սկզբունքով՝ Pretty Random համակարգի միջոցով, որի ընթացքում կընտրվի հաճախորդներից մեկին տրամադրված գործող պրոմոկոդը:

Ճամփորդության փաթեթում ներառվում են երկկողմանի ավիատոմսերը Երեւան Փարիզ Երեւան ուղղությամբ՝ 2 անձի համար եւ 5 գիշեր կացություն Փարիզում գտնվող հյուրանոցում: Մանրամասներին ծանոթանալու համար անհրաժեշտ է անցնել հետևյալ հղումով:

Ֆասթ Բանկը շարունակաբար ընդլայնում է իր ծառայությունների շրջանակը՝ առաջարկելով 24/7 արագ, հարմարավետ եւ անվտանգ ֆինանսական լուծումներ Երեւանում եւ Հայաստանի բոլոր մարզերում:

Բանկը վերահսկվում է
ՀՀ ԿԲ կողմից (Գ)

ՌԿ Է ՆՈՐ ՓՈԽՆԱԽԱՐԱՐՈՐ

ԳԻՏՆԱԿԱՆԻՑ՝ ՊԵՏԱԿԱՆ ԿԱՌԱՎԱՐՄԱՆ ՈԼՈՐՏ

ArmLur.am-ը Տեղեկացավ, որ սեպտեմբերի 2-ից ՀՀ էկոնոմիկայի նախարարի Տեղակալ է նշանակվել Լևոն Մովսիսյանը: Նորանշանակ փոխնախարարը մասնագիտությամբ ղեղապետ է, գիտությունների դոկտորի կոչում է ստացել Օբսիդոլի համալսարանում եւ երկար տարիներ աշխատել է գիտության ու ղեղագործության ոլորտներում՝ Հայաստանից դուրս:

Լեւոն Մովսիսյանը ծնվել է 1988 թվականի մարտի 8-ին՝ Բենիամին գյուղում: 2005-2010 թվականներին սովորել է Երեւանի պետական բժշկական համալսարանում եւ ստացել ղեղագետի որակավորում: 2011-2014 թվականներին Օբսիդոլի համալսարանում ստացել է գիտությունների դոկտորի կոչում: Նրա հետազոտական հիմնական ուղղություններն են եղել սուպրամոլեկուլային քիմիան եւ ածխածնի նոր ալոտրոպ ձևերը:

Մովսիսյանը մասնագիտական գործունեությունը հիմնականում ծավալել է գիտահետազոտական եւ ղեղագործական ոլորտներում: 2014-2015 թվականներին աշխատել է Օբսիդոլի համալսարանում՝ որպես գիտաշխատող: Այդ ընթացքում ընտրվել է ծրագրի առաջատար գիտաշխատող եւ համակարգել է բրիտանական ու գերմանական չորս հեղինակավոր համալսարանների մասնակցությամբ միջազգային հետազոտական ցանցի աշխատանքը:

2016-2018 թվականներին աշխատել է Շվեյցարիայի դաշնային տեխնոլոգիական ինստիտուտում՝ որպես գիտաշխատող: Այստեղ զբաղվել է նոր ղեղանյութերի հայտնաբերման ու մշակմանը վերաբերող հետազոտություններով, ինչպես նաեւ միջազգային կոնսորցիումի շրջանակում համակարգել ծրագրային աշխատանքները՝ համագործակցելով ա-



կադեմիական խմբերի եւ «Ֆ. Հոֆման-Լա Ռոշ» ընկերության հետ:

2018-2020 թվականներին Մովսիսյանը գիտաշխատող է եղել Կանադայի Ալբերտայի համալսարանում: Այդ տարիներին ղեկավարել է նոր քիմիական լաբորատորիայի ստեղծումն ու գործարկումը, մասնակցել սարքավորումների գնահատման եւ գնման, անվտանգության ընթացակարգերի ու տվյալների որակի ստանդարտների ներդրման աշխատանքներին:

2021 թվականին նա աշխատել է ԱՄՆ-ի Կալիֆոռնիա նահանգում՝ որպես խորհրդատու՝ ուսումնասիրելով ստարտափների տեխնիկական եւ գիտական հիմքերը եւ իրականացրել պատշաճ ուսումնասիրություններ՝ ներդրումային որոշումների կայացմանն աջակցելու նպատակով:

2021 թվականի նոյեմբերից մինչև 2022 թվականի հուլիսը եղել է ավագ գիտաշխատող Նիդերլանդներում, իսկ 2022-2024 թվականներին՝ ծրագրերի ղեկավար եւ ավագ գիտաշխատող: Այդ պաշտոնում պատասխանատու է եղել միջազգային ղեղանյութերի հայտնաբերման ծրագրերի իրականացման հա-

մար, ղեկավարել որակի վերահսկման գործընթացների ավտոմատացման եւ թվայնացման աշխատանքները, ինչպես նաեւ բազմագործառնության թիմերի աշխատանքը:

2024 թվականի հոկտեմբերից մինչև 2025 թվականի հունվարը Մովսիսյանը Նիդերլանդներում աշխատել է որպես ծրագրի ղեկավար՝ զբաղվելով հետազոտությունների փաստաթղթային փաթեթների գնահատմամբ եւ դրանք միջազգային կարգավորող պահանջներին համապատասխանեցնելով:

Նրա կենսագրության մեջ առանձնահատուկ տեղ ունի նաեւ գիտական գործունեությունը: 2012-2020 թվականներին նա միջազգային գիտական ամսագրերի համար հանդես է եկել որպես փորձագետ-գնահատող, իսկ նույն ժամանակահատվածում ղեկավարել է շուրջ տասը ասպիրանտների, մագիստրատուրայի եւ բակալավրիատի ուսանողների գիտահետազոտական նախագծերը:

Մովսիսյանը մասնակցել է նաեւ ձեռնարկատիրական կրթական ծրագրերի: 2012-2013 թվականներին սովորել է Օբսիդոլի համալսարանի Սաիդի բիզնես դպրոցում՝ «Կառուցելով բիզնեսը» ծրագրում, իսկ 2017 թվականին Յուրիխում մասնակցել է ՍիթիՍթի ձեռնարկատիրական վերապատրաստման ծրագրին:

Նա արժանացել է Օբսիդոլի Րաֆֆի Մանուկյան կրթաթոշակի եւ «Լույս» հիմնադրամի կրթաթոշակի, ինչպես նաեւ Մենդելեևյան միջազգային օլիմպիադայի բրոնզե մեդալի: Մովսիսյանը միջազգային գիտական տասը հոդվածների հեղինակ է համահեղինակ է:

Լեւոն Մովսիսյանը տիրապետում է անգլերեն եւ ռուսերեն լեզուներին: Նա ամուսնացած է եւ ունի երկու զավակ:

2026թ. սեպտեմբերի 2-ից Լեւոն Մովսիսյանը ստանձնել է ՀՀ էկոնոմիկայի նախարարի տեղակալի պաշտոնը:


ԱՆԻ ՎԱՐԴԱՆՅԱՆ

ՅՈՒՆԻԲԱՆԿԸ ՄԵԿՆԱՐԿԵԼ Է ՆՈՐ ԱԿՑԻԱ

Յունիբանկը նոր ակցիա է մեկնարկել Arca «U-Teenager» ֆաբրիկաների համար, որի գլխավոր մրցանակը 1 500 000 ՀՀ դրամ է՝ արժեքի առաջատար համալսարաններից մեկում ամառային կրթական ծրագրին մասնակցելու համար:

Ակցիան կանցկացվի մինչև 2027 թվականի մարտի 31-ը: Մասնակցության համար անհրաժեշտ է նշված ժամանակահատվածում առցանց՝ QR կոդի միջոցով, ձեւակերպել Յունիբանկի Arca «U-Teenager» քարտ եւ կատարել անկանխիկ գործարքներ: Ակցիայի արդյունքներով առավելագույն քանակով անկանխիկ գործարքներ կատարած երեք քարտապանները կստանան մրցանակներ: Առաջին տեղը զբաղեցրած մասնակցին կտրամադրվի գլխավոր մրցանակը՝ մասնակցությունը ամառային կրթական ծրագրին արտերկրում, իսկ երկրորդ եւ երրորդ տեղերը զբաղեցրած մասնակիցները կստանան նոթբուքեր:

Ակցիային կարող են միանալ նաեւ Հայաստանի բարձրագույն ուսումնական հաստատությունները՝ տեղադրելով QR կոդը, որի միջոցով ուսանողները կարող են առցանց ձեւակերպել Arca «U-Teenager» քարտ: Բուիերի համար նախատեսված է առանձին մրցանակ. այն



ուսումնական հաստատությունը, որի ուսանողները տրամադրված QR կոդի միջոցով ակցիայի անցկացման ժամանակահատվածում կձեւակերպեն առավելագույն քանակով Arca «U-Teenager» քարտեր, կստանան ֆինանսական աջակցություն՝ համակարգչային սենյակի վերազինման կամ այլ տեխնիկական սարքավորումների ձեռքբերման համար:

Arca «U-Teenager» քարտը թողարկվում է առաքվում է անվճար: Arca քարտապաններն անկանխիկ գործարքների դիմաց ստանում են 2% հետվճար (քեշ-բեք):

Կրթությանն աջակցությունն ու երիտասարդների զարգացման համար նոր հնարավորությունների ստեղծումը Յունիբանկի կորպորատիվ սոցիալական պատասխանատվության կարելու ուղղություններից են: «U-Teenager» ակցիայի միջոցով բանկը նպատակ ունի ոչ միայն երիտասարդ հաճախորդներին առաջարկել ժամանակակից ֆինանսական գործիքներ, այլեւ աջակցել նոր գիտելիքներ ձեռք բերելու եւ զարգանալու նրանց ձգտմանը:

Ակցիայի պայմանների մասին առավել մանրամասն տեղեկատվությունը հասանելի է «U-Teenager» ակցիա հղումով:

● «Ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՈՃԱՅԻՆ

ՄԵԼԻՆ ԴԻՈՆԸ՝ ՏՊԱՎՈՐԻՉ ԿԱՇՎԵ ԶԳԵՄՏՈՎ

Սելին Դիոնը շարունակում է Փարիզում իր վերադարձի նախադասասական օրջանը՝ հերթական անգամ ուժադրության կենսրոնում հայտնվելով իր ոճային կերպարով:

58-ամյա երգչուհին սեպտեմբերի 1-ին դուրս է եկել Փարիզի հյուրանոցից՝ կրելով սև կաշվե զգեստ, որի ազատ կտրվածքով վերնամասը համադրված էր ասիմետրիկ փեշի եւ ոչխարի մորթուց դետալների հետ: Ըստ Red Carpet Fashion Awards-ի՝ զգեստը Loewe նորաձեւության տան 2026 թվականի աշուն-ձմեռ հավաքածուից է:

Դիոնը կերպարը լրացրել էր սև բարձրակրունկներով եւ նույն գույնի պայուսակով: Երգչուհու մազերը հավաքված էին կոկիկ, հարթ սանրվածքով: Յուրանոցից դուրս գալիս նա ժպտում եւ ձեռքով ողջունում էր իրեն սպասող երկրպագուներին:

Փարիզյան այս այցը Դիոնի համար առանձնահատուկ նշանակություն ունի. նա պատրաստվում է Ֆրանսիայի մայրաքաղաքում կայանալիք հնգշաբթյա համերգային ռեզիդենցիային: Երգչուհին նախատեսում է La Defense Arena-ում սեպտեմբեր-հոկտեմբեր ամիսներին հանդես գալ 16 համերգով:

Առաջիկա ելույթները Դիոնի առաջին խոշոր համերգներն են այն բանից հետո, երբ 2022 թվականի դեկտեմբերին նա հանրությանը հայտնել էր իր մոտ ախտորոշված «կոշտ մարդու համախ-



տանիշի» (stiff-person syndrome) մասին:

Երգչուհին իր ծննդյան օրվա առթիվ երկրպագուներին ուղղված տեսաուղերձում խոսել էր առողջական վիճակի մասին եւ նշել, որ բեմ վերադառնալու

հնարավորությունն իր կյանքի «ամենամեծ նվերն» է:

«Ես ուզում եմ, որ իմանաք՝ ինձ մոտ ամեն ինչ լավ է: Ես կառավարում եմ առողջական վիճակս, ինձ լավ եմ զգում, կրկին երգում եմ: Մի փոքր էլ պարել եմ, իհարկե», - ասել էր Դիոնը:

Նա հավելել էր, որ անհամբեր սպասում է Փարիզում իր երկրպագուների հետ հանդիպմանը:

Դիոնը ախտորոշումից հետո առաջին անգամ մեծ բեմ վերադարձավ 2024 թվականին՝ Փարիզի Օլիմպիական խաղերի բացման արարողության ժամանակ: Նա ելույթ ունեցավ Էյֆելյան աշտարակի մոտ՝ արժանանալով հանդիսատեսի ջերմ ընդունելությանը: Նույն տարվա ընթացքում երգչուհին կրկին բեմ բարձրացավ Սաուդյան Արաբիայի Ռիադ քաղաքում՝ Elie Saab-ի «1001 Seasons of Elie Saab» նորաձեւության ցուցադրության ժամանակ:

Այս տարվա ապրիլին Սելին Դիոնը նաեւ թողարկեց վերջին տարիների իր առաջին օրիգինալ երգը՝ «Dansons» («Պարենք»): Ֆրանսերեն ստեղծագործությունը գրել է երգչուհու երկարամյա համագործակից Ժան-Ժակ Գուլմանը: Piano ballad-ի ժանրում գրված երգում կրկին ընդգծվում են Դիոնի հզոր վոկալային հնարավորությունները:

Այժմ երգչուհու երկրպագուները սպասում են նրա երկար սպասված փարիզյան վերադարձին, որը կարող է դառնալ Դիոնի բեմական կարիերայի նոր կարեւոր փուլը:

ՄԱՐԶԱԿԱՆ

ԿԱՅԻՆ ԱՅԼ ՏԱՐԲԵՐԱԿՆԵՐ

Հայաստանի ազգային հավաքականի ֆուտբոլիստ Նաիր Թիկնիզյանի շահերը ներկայացնող գործակալ Ալեքսանդր Կյուլեւը «Матч ТВ»-ի հետ գրույցում մեկնաբանել է խաղացողի տեղափոխությունը հունական «Օլիմպիակոս», հայտնում է armsport-ը:

Հիշեցնենք, որ օգոստոսին «Օլիմպիակոսը» պաշտոնապես հայտարարեց սերբական «Ցրվենա Զվեզդայից» Թիկնիզյանի տրանսֆերի մասին:

«Որոշիչ դեր խաղաց այն, որ լավ առաջարկ ստացանք: «Օլիմպիակոսը» լուրջ եւ մեծ խնդիրներ դնող հավակնոտ ակումբ է: Նրանք շատ լուրջ հետաքրքրվածություն ցուցաբերեցին Նաիրի նկատմամբ: Թիմում նրան հիանալի են ընդունել, եւ նա արդեն հասցրել է նշել իր նորամուտը», - նշել է գործակալը:

Պատասխանելով այն հարցին, թե արդյոք այս ամառ կային տարբերակներ ռուսական ակումբներից, Կյուլեւը նշել է.

«Տարբերակներ կային, բայց հենց հայտնվեց «Օլիմպիակոսի» առաջարկը, միանգամից ընտրություն կատարվեց հոգուտ այս մեծ ակումբի»:

Անդրադառնալով Ռուսաստանի Պրեմիեր լիգա հնարավոր վերադարձին՝ գործակալը հավելել է.

«Երբեւէ, իհարկե, դիտարկում է նման հնարավորություն»:

Նաիր Թիկնիզյանը մոսկովյան «Լոկոմոտիվից» «Ցրվենա Զվեզդա» էր տեղափոխվել 2025 թվականի հունիսին: Սերբական թիմի կազմում նախորդ

մրցաշրջանում նա դարձել է երկրի չեմպիոն եւ գավաթակիր՝ ընդհանուր առմամբ անցկացնելով 54 հանդիպում, որոնցում դարձել է 1 գոլի եւ 7 գոլային փոխանցման հեղինակ:

ԵՎՐՈՊԱԿԱՆ ՓՈՐՉ

Իսպանական հեղինակավոր AS պարբերականն անդրադարձել է Հայաստանի ազգային հավաքականի վիճաբեր Էդգար Սեւիկյանի՝ «Ֆերենցվարոշից» իսպանական «Սեուտա» տեղափոխությանը: Մեր ընտրանու ֆուտբոլիստը նոր թիմում հանդես կգա վարձավճարով՝ մինչեւ մրցաշրջանի ավարտը, հայտնում է armsport-ը:

Ինչպես գրում է աղբյուրը, «Սեուտան» տրանսֆերային պատուհանի վերջին ժամերին հաջողությամբ լուծել է հարձակման գծի համալրման հարցը՝ թիմ հրավիրելով միջազգային մեծ փորձ ունեցող Սեւիկյանին եւ «Էլչեի» երիտասարդ հարձակվող Ումարու Կոնարեին:

«Սեւիկյանի տեղափոխությունը հատկանշական է նրա անցած բազմազան ճանապարհի շնորհիվ. նա հասցրել է խաղալ մի քանի երկրներում եւ երկու հավաքականներում», - նշում է AS-ը՝ հիշեցնելով ֆուտբոլիստի անցած ուղին:

Ծնվելով Մոսկվայում՝ Էդգարն իր պատանեկան տարիների մեծ մասն անցկացրել է իսպանական «Լեւանտեի» ակադեմիայում, որտեղ նաեւ իր նորամուտն է նշել գլխավոր թիմում: Դրանից հետո նա կարիերան շարունակել է Ռու-

սաստանում, ապա տեղափոխվել հունգարական գրանդ՝ «Ֆերենցվարոշ», որի կազմում եվրագավաթային հարուստ փորձ է ձեռք բերել:

Պարբերականը հատուկ ընդգծում է նաեւ Սեւիկյանի միջազգային կարիերան. Ռուսաստանի տարիքային հավաքականներում հանդես գալուց հետո նա վերջնական ընտրություն կատարեց հոգուտ Հայաստանի ազգային հավաքականի:

Խոսելով խաղային որակների մասին՝ իսպանացի լրագրողները նշում են, որ «Սեուտայի» գլխավոր մարզիչ Խոսե Խուան Ռոմերոն հարձակման եզրափակիչ հատվածի համար հիանալի այլընտրանք է ստացել:

«Սեւիկյանը կարող է գործել երկու եզրերում՝ հատկապես աջից, ինչպես նաեւ հիանալի տեղաշարժվել կենտրոնում: Նա աջքի է ընկնում միջին եւ հեռահար տարածություններից կատարած հարվածներով, թիմակիցների հետ արագ համագործակցելու եւ վճռորոշ վերջին փոխանցումը գտնելու կարողությամբ»:

Անդրադառնալով մյուս տրանսֆերներին՝ աղբյուրը հավելում է, որ Սեւիկյանից (ով դարձավ թիմի ամառային 11-րդ նորեկը) եւ Կոնարեից բացի, ակումբը ձեռք է բերել նաեւ կենտրոնական կիսապաշտպան Խոսեկին Գոնսալեսին («Կադիսից»)՝ ամբողջությամբ բավարարելով մարզչական շտաբի պահանջները եզրերում, հարձակման գծում եւ դաշտի կենտրոնում: Թիմն այժմ լիովին համալրված է մրցաշրջանի մարտահրավերներին ընդառաջ:

ՄԱՐԶԱԿԱՆ

ՆՊԱՏԱԿԱԴՐՎԵԼ Է ՆՈՐ ՌԵԿՈՐԴ ՄԱՐՄԱՆԵԼ

Հայ մարտիկ Արման Ծառուկյանը նպատակադրվել է գերազանցել Իսլամ Մախաջեւին եւ նոր ռեկորդ սահմանել UFC-ի թեթեւ քաշային կարգում աւերկմեջ տիտղոսի պաշտպանությունների քանակով, գրում է armsport-ը:

Թեւեւ տիտղոսային մենամարտից հրաժարվելով՝ Ծառուկյանը բաց թողեց օկտագոնում Մախաջեւին անձամբ հաղթելու հնարավորությունը, այնուամենայնիվ, նա վստահ է, որ UFC-ի չեմպիոնի կարգավիճակում կկարողանա գերազանցել նախկին չեմպիոնի ձեռքբերումը: Նշենք, որ Մախաջեւը դիվիզիոնի ռեկորդակիրն է՝ տիտղոսի 4 պաշտպանությամբ:

«Մտադիր եմ տիտղոսի առնվազն 5 պաշտպանություն անցկացնել: Ուզում եմ գերազանցել թեթեւ քաշային կարգի ռեկորդը: Իսլամն ուներ 4 պաշտպանություն, ուստի ես ուզում եմ 5-ն անել, իսկ հետո կտեսնենք՝ կամ կավարտեմ կարիերա, կամ կտեղափոխվեմ կիսամիջին քաշային կարգ: Բայց այդ քաշի համար ինձ անհրաժեշտ կլինի մկանային զանգված հավաքել», - ասել է Ծառուկյանը «Deep Waters» փողքասթի ժամանակ:

Հիշեցնենք, որ թեթեւ քաշային կարգում ռեկորդ սահմանելուց հետո Իսլամ Մախաջեւը թափուր թողեց չեմպիոնական գոտին եւ բարձրացավ կիսամիջին քաշային կարգ՝ խլելով տիտղոսը ավստրալացի Ջեք Դելա Մադալենայից, ապա հաջողությամբ պաշտպանեց այն՝ մրցավարների միաձայն որոշմամբ հաղթելով իռլանդացի Իեն Մաջադո Գերիին:

Հավելենք, որ շուտով Արման Ծառուկյանը հնարավորություն կունենա հերթական հաղթանակը տոնելու. UFC 331-ի շրջանակում հայ մարտիկն ուժերը կչափի Մաուրիսիո Ռուֆիի հետ:

ԹԱՆԿԱՐԺԵՔ ՏՐԱՆՍՖԵՐ

Լոնդոնի «Զելսիի» արգենտինացի կիսապաշտպան Էնցո Ֆերնանդեսը պաշտոնապես համալրեց «Մանչեսթեր Սիթիի» կազմը: Այս մասին հաղորդում է «քաղաքայինների» պաշտոնական կայքը, փոխանցում է armsport-ը:

Արգենտինայի ազգային հավաքականի կազմում 2022 թվականի աշխարհի չեմպիոնը մանչեսթերյան ակումբի հետ կնքել է 5 տարվա պայմանագիր: Նշվում է, որ Ֆերնանդեսն արդեն բուժվելու է անցել եւ պաշտոնապես ներկայացվել ակումբի գրասենյակում:

«Բարի գալուստ «Մանչեսթեր Սիթի», Էնցո», - ասված է ակումբի մամուլի ծառայության տարածած հաղորդագրության մեջ:

Հեղինակավոր Transfermarkt պորտալի տվյալներով արգենտինացու տրանսֆերը «Մանչեսթեր Սիթիի» համար արժեցել է 145 միլիոն եվրո, ինչը ռեկորդային է ակումբի պատմության մեջ:

Նշվում է, որ տրանսֆերային այս գումարը կրկնում է բրիտանական ֆուտբոլի գործող ռեկորդը. նախորդ ամռանը ճիշտ այդքան էր վճարել «Լիվերպուլը» «Նյուքասլին»՝ ջվեդ հարձակվող Ալեքսանդր Իսակի տրանսֆերի դիմաց:

● *Խամաճիկների պետական թատրոնում սեպտեմբերի 6-ին՝ ժամը 12:30-ին, կկայանա «Փոքրիկն ու Կառլսոնը» ներկայացումը:*

ԿԱՐԳ

ՀԱՐՑ. Ինչպե՞ս վերադարձնել կամ վերաձեռակերպել սխալ կամ ավել վճարված գումարները:

Գայանե Սահակյան, 54 տարեկան

ՊԱՏԱՍԽԱՆ. Եթե ՀՀ պետական բյուջեի գանձապետական հաշիվներին սխալ վճարում եք կատարել կամ ավելին եք վճարել, գումարի վերադարձման կամ վերաձեռակերպման նպատակով՝ կից դիմումի ձեռով, կարող եք դիմել ՀՀ ֆինանսների նախարարություն: Դիմումին կից ֆիզիկական կամ իրավաբանական անձը ներկայացնում է վճարումը հաստատող փաստաթղթերի բնօրինակները, մասնավորապես՝ անդորրագիրն ու վճարման հանձնարարագիրը:

Եթե վճարումը կատարված է պետական վճարումների էլեկտրոնային համակարգի միջոցով, ապա որպես վճարումը հաստատող փաստաթուղթ կարող է հանդիսանալ վճարումների պետական էլեկտրոնային համակարգի գեներացված անդորրագիրը կամ անդորրագրի 20-նիշանոց ծածկագիրը, ինչպես նաեւ վճարված գումարը վերադարձնելու հանգամանքների հիմնավորման մասին գանձող մարմնի տեղեկանքը:

Եթե չգիտեք, թե որ մարմինն է գանձում կատարել, ապա անհրաժեշտ է մուտք գործել կայքի գանձապետական հաշիվներ բաժինը, գտնել համապատասխան հաշվեհամարը, որին կից նշված է նաեւ հաշիվը տնօրինող մարմնի անվանումը:

Եթե դիմումը ներկայացվում է լիազորված անձի կողմից, ապա վերադարձը կամ վերաձեռակերպումը հիմնավորող փաստաթղթերի հետ միասին անհրաժեշտ է ներկայացնել նաեւ նոտարի կողմից վավերացված լիազորագիրը:

Եթե վերադարձման ենթակա գումարները վճարված են անչափահաս երեխաների անունով, ապա դիմումը ներկայացվում է ծնողներից մեկի անունով, իսկ վերադարձը հիմնավորող փաստաթղթերի հետ տրամադրվում են նաեւ ծննդյան վկայականների պատճենները:

Վերադարձման դեպքում դիմումում պետք է նշել նաեւ բանկային ռեկվիզիտները, այսինքն՝ այն բանկի եւ մասնաճյուղի անունը, որտեղից դիմողը պետք է ստանա վերադարձված գումարը եւ անձնագրի տվյալները/սերիան, ում կողմից է տրված, պատճենը: Բանկային հաշվեհամարի առկայության դեպքում անձնագրի տվյալների ներկայացումը պարտադիր չէ: Վերաձեռակերպման դեպքում դիմումի մեջ պետք է նշել ճիշտ գանձապետական հաշվի համարը:

Վերոնշյալ փաստաթղթերի առկայության դեպքում դիմողը 5-օրյա ժամկետում տեղեկացվում է գործարքը /գումարի վերադարձ կամ վերաձեռակերպում/ կատարված լինելու մասին:


**ՀՀ ֆինանսների
նախարարություն**

Էջը՝ ՄԱՐԻԱՆԱ ՀՈԿՅԱՆՏԻՍՅԱՆԻ

ՀԱՍԱՐԱԿՈՒԹՅՈՒՆ

ՀԱՐՑ. Կա՞ որեւէ ընդհանուր հասկացություն, թե ինչ են բարին ու չարը:

Գրիգոր Կարապետյան, 67 տարեկան



ՊԱՏԱՍԽԱՆ. Բարին Աստված է, այն սերն է, որով մարդը գիտակցաբար գնում է դեպի Տերը: Այն մարդը, ով իր սրտում սեր ունի, երբեք չի կարող վատ բաներ անել: Երբ մարդ Աստծով ներշնչված հոգեպես խաղաղ է, հավասարակշռված, չի կարող վատ բաներ խորհել, ինչ-որ մեկին վնասել, անարգել: Դրան հակառակը չարն է, որ Աստծո հետ կապ չունի:

Աստված չի ստեղծել ո՛չ չարությունը, ո՛չ էլ չարին: Ինչպես մուրը լույսի բացակայությունն է, այնպես էլ չարը բարու բացակայությունն է: Չարն իր մեջ սեր չունի, որովհետեւ Աստվածաշունչն ասում է. սերը չի նախանձում, չի հայիոյում, չի բամբասում եւ այլն (տե՛ս՝ Ա Կորնթ. 13:4-7), իսկ ով սեր չունի՝ չար է, հետեւաբար բամբասում է, սպանում, հայիոյում, անարգում, վերացնում այն, ինչ Աստված է ստեղծել: Չարը գիտակցաբար մերժում է բարուն: Այսինքն՝ ոչ թե չարն է գալիս, հայտնվում մարդկանց մեջ, այլ մարդիկ իրենց կամքով են չարանում՝ մերժելով բարին:

**Հայ առաքելական
տուրք եկեղեցի**

ԵՂԱՆԱԿԻ ՏԵՍՈՒԹՅՈՒՆ



	Շիրակ	+ 5 + 9 + 22 + 27
	Կոտայքի լեռներ	+ 6 + 10 + 22 + 26
	Կոտայքի նախալեռներ	+ 13 + 15 + 27 + 29
	Գեղարքունիք	+ 6 + 11 + 16 + 21
	Լոռի	+ 10 + 14 + 22 + 26
	Տավուշ	+ 11 + 14 + 23 + 26
	Արագածոտնի լեռներ	+ 5 + 9 + 22 + 26
	Արագածոտնի նախալեռներ	+ 12 + 16 + 27 + 31

	Արարատ	+ 13 + 16 + 29 + 32
	Արմավիր	+ 13 + 16 + 31 + 33
	Վայոց ձորի լեռներ	+ 5 + 9 + 19 + 23
	Վայոց ձորի նախալեռներ	+ 13 + 16 + 31 + 33
	Սյունիքի լեռներ	+ 5 + 9 + 16 + 19
	Սյունիքի նախալեռներ	+ 10 + 14 + 20 + 24
	Սյունիքի հովիտներ	+ 17 + 20 + 28 + 31
	Երեւան	+ 15 + 17 + 30 + 32

ԼՈՒՐ ԿԱԴՐ

Լուսանկարը՝ Գագիկ Շամշյանի



Երեւանում՝ Կորեայի ծորում, փտած, դարն ապրած փայտե էլեկտրասյուները ուժեղ քամու հետեւանքով տապալվել եւ փակել են ճանապարհը:

ԲԱԺՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու

համար կարող եք դիմել



«Հայփոստ» ՊԺԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22՝/3, հեռ՝ **010 54-64-23**
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության **02.09.2026**
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, **Գ** նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետեւյալ նախադասությունը. «Շարունակությունը կարող էք կարդալ
«Ժողովուրդ» օրաթերթի այսօրվա համարում»: